

PROGRAM eDAGANG RENTAS SEMPADAN 'USAHAWAN PERAK GO GLOBAL'

PROGRAM MEMBANTU PMKS PERAK MEMPERLUAS PERNIAGAAN KE PERINGKAT ANTARABANGSA DENGAN MEMANFAATKAN KEUPAYAAN PLATFORM e-DAGANG

LUMUT, OKTOBER 24, 2023 – Digital Perak Corporation Holdings (Digital Perak) dengan kerjasama strategik pihak Perbadanan Digital Ekonomi Malaysia (MDEC) Sdn. Bhd. dan Sekretariat Usahawan Negeri Perak (STeP) membantu para usahawan perusahaan mikro, kecil dan sederhana (PMKS) tempatan mempromosi dan mengeksport produk-produk mereka ke luar negara dengan lebih mudah melalui Program Perak Go Global 2023, yang diselenggarakan di Dewan IKM Lumut.

Melalui kerjasama ini juga, program ini menggalakkan PMKS tempatan menyertai dan berdagang menerusi platform e-dagang untuk memperluas perniagaan mereka ke peringkat antarabangsa di bawah program 'eCommerce – On Boarding Program'.

Menerusi program rentas sempadan ini, PMKS memperoleh pengetahuan pengoperasian perniagaan melalui sistem platform e-dagang, kemahiran pemasaran digital serta menggunakan platform e-kedai (e-store).

Selain itu, program ini turut memperkenalkan aplikasi 'Clicks@Perak' yang telah dibangunkan oleh pihak Digital Perak untuk memperkasa pembayaran tanpa tunai di kalangan PMKS Perak.

Konsep Program Perak Go Global yang berbentuk seminar bimbingan dan bengkel *networking* ini juga akan melibatkan agensi dan rakan usahasama lain seperti Pertubuhan Keselamatan Sosial (PERKESO), Suruhanjaya Syarikat Malaysia (SSM), Halal Street UK, MYGalore, EJazmine, GoNJoy, Goloco serta pihak persatuan usahawan di daerah pelaksanaan program seperti Koperasi PERSALAM Manjung Berhad (PERSALAM) dan Aura Manjung.

Langkah ini sejajar dengan kesan pandemik COVID-19 yang telah memangkinkan penerimgunaan e-dagang serta peningkatan trend pembelian secara dalam talian di peringkat global.

Program yang disertai oleh 100 orang usahawan Perak ini juga memberi khidmat nasihat serta maklumat berkaitan peluang dan insentif terkini di bawah agensi-agensi keusahawanan persekutuan.

